

## الرخاوة لا تمسك صيدا

(مؤتمر تجارة الحكمة - أبونا داود لمعي)

### مقدمة:

حكمة اخرى من حكم سليمان و هي حكمة الاجتهاد او (ال لا كسل )  
مشكلة من مشكلاتنا اللي سماها الكتاب الرخاوة ... يعنى الدنيا ماشية مابعة كدة رخوة  
، الكسل سمة من سمات العصر بالرغم من الزحمة اللي احنا عايشين فيها تلاقوا ان  
الواحد ساعات كدة يبقى رخوشوية حتى فى الاجيال الجديدة .

تعبير سليمان الحكيم بيقول:

"الرِّخَاوَةُ لَا تُمْسِكُ صَيْدًا، أَمَّا ثَرْوَةُ الْإِنْسَانِ الْكَرِيمَةِ فَهِيَ الْاجْتِهَادُ." (أم 12: 2)

الثروة الحقيقية للانسان هو اجتهاده و داعموما قيمة كبيرة و صحيحة لان دائما  
المجتهد بيعلا فى نظرنا سواء فى الدراسة او الشغل او الخدمة .... اى اجتهاد احنا  
بنقدره و ربنا بيقدره ، و الاجتهاد ساعات بيتقال فى الكتاب المقدس بكلمة تانية و هي  
(الجهاد) يعنى الاجتهاد و الجهاد هي نفس المفهوم و المعنى فى الانجيل

" كُلُّ مَنْ يُجَاهِدُ يَضْبُطُ نَفْسَهُ فِي كُلِّ شَيْءٍ " (1 كو 9: 25)

و هنا يجاهد يعنى يجتهد .

الفكرة دي نفسها للأسف بعيدة عن اولادنا فى الجيل ده لانهم بيميلوا الى انهم

ياخدوا كل حاجة على الجاهز مش عايزين يتعبوا بس احنا بعد شوية بنكتشف ان التعب هو القمة الحقيقية لاي شئ ده حتى الذكاء فى ذاته مش هو اللي بيحدد درجة النجاح الاجتهاد قيمته اكبر من الذكاء يعنى ممكن شخص مجتهد جدا يكون ذكائه اقل لكن نجاحه اكبر بحكم اجتهاده .

### • مشكلة الرخاوة:.

تعبير اخر قاله الحكيم فى سفر الجامعة:

" يالكسل الكثير يهبط السقف " (جا: 10: 18)

يعنى من كتر الكسل تلاقى اصحاب البيت مش عايزين يصلحوا حاجة!! فالسقف ابتدا يهبط ،، يعنى مش مكلف خاطره ينضف و يوضب و يعمل صيانة ما هو ده علامة من علامات الكسل.

كمان يهبط السقف دى معناه انه المناعة او الحصانة او الامان ابتدا يروح لان لما يكون فى كسل كثير يجى معاه نوع من الخوف لان الكسل مؤشر من مؤشرات الفشل  
فالكسلان بيداعبه فكر القلق خايف يفشل بالذات اللي اتعود انه يكون مجتهد تلاقوه يقلق جدا لما ياخذ اجازة طويلة و يبقى خايف من انه ينام دقيقتين زيادة فيصحى مضايق زى اللي عامل عملة و ده من كتر ما هو واخذ على العسكرية و الجديدة .

## • الكسل في سفر الأمثال:.

في تعبيرات جميلة في سفر الامثال توصف لنا الكسل باوصاف ممتعة يقول

" قَلِيلٌ نَوْمٌ بَعْدُ قَلِيلٌ نُعَاسٌ، وَطَيُّ الْيَدَيْنِ قَلِيلًا لِلرِّقْوَدِ " (أم: 6: 10)

يعنى مثلا تبقى ظابط المنبه على 6 و بعدين تستخسر تروح مخليها على 6 و ربع ، و بعدين تستخسر طيب خليها على 6 و نص ... طيب 7 الاربعة!!

النهاية الفقر جاي ما هو اصل كل ده بيتاخذ من رصيد الاجتهاد اذا كان شغل او صلاة او علاقات او اى حاجة مفيدة و انت مستسلم و بتتاخذ قليل فقليل " قَلِيلٌ نَوْمٌ بَعْدُ قَلِيلٌ نُعَاسٌ، وَطَيُّ الْيَدَيْنِ قَلِيلًا لِلرِّقْوَدِ " يعنى بيتقلب فى السرير كدة و يعدل النومه ... و كل ده من الاصل مش مطلوب صحيا حتى ، بس ده استسلام و كسل عبر عنه و قال " فَيَأْتِي فُقْرَكَ كَسَاعَ وَعَوْرَكَ كَعَازٍ " (أم: 11: 6) يعنى هايغزوك الفقر و يسعى اليك العوز لانك انت حاطط المخدة و نايم.

## • اسباب الكسل:.

### • 1- العدوى:.

الكسل معدى .. و عشان كدة الجيل ده اكثر عرضة بالرغم من انه جيل مليون امكانيات اكثر من قبل كدة بس العيال مستسلمة ل (الريموت) ، ، ده عامل ازمة .. تلاقيه مكسل

يقوم بغير القناة فى التلفزيون و تلاقيه مكسل يقوم يجيب كوباية مائة!

و الكسل ده معدى لان كل اصحابه كدة فهم بيشجعوا بعض على حياة " التيوث "

" طوبى للرجل الذي لم يَسْئَلْ في مَشْوَرَةِ الْأَشْرَارِ، وَفِي طَرِيقِ الْخَطَاةِ لَمْ

يَقِفْ، وَفِي مَجْلِسِ الْمُسْتَهْزِئِينَ لَمْ يَجْلِسْ " (مز 1:1)

يعنى المجلس اللى تلاقيه كله تريقة و سخرية ده نوع من الرخاوة.. بيعملوا ايه مفيد؟؟ بيقعدوا باساعات يضحكوا ضحك بطل، يعنى فى ايه جد بيتعمل؟؟ فى ايه مفيد بيتعمل فى الحياة؟؟

## • 2- التاجيل .:

يعنى افضل أجل اصلى!

طب بعدين القداس .. لا خليها الاسبوع اللى جاى .... الانجيل لما الاقى وقت !! ده حتى الشغل نفسه ...

التأجيل شكل من اشكال الكسل ، يقول الكتاب :

" هَكَذَا قَالَ رَبُّ الْجَثُودِ قَائِلًا: هَذَا الشَّعْبُ قَالَ: إِنَّ الْوَقْتَ لَمْ يَبْلُغْ وَقْتَ بِنَاءِ

بَيْتِ الرَّبِّ " (حج 1: 2) يعنى الشعب عمال ياجل انه يبنى بيت ربنا و بيقولوا مش

وقته ((و دى حياة نلس كتير اوى دلوقتى )) فعمال يسوف و ياجل و يضيع من العمر

كثير

### -3 الاحباط و اليأس:-

فالشخص المحبط غالبا معندوش ارادة فمثلا فى حياة ايليا النبى يقول الكتاب

" واضطجع وتام تحت الرثمة. وَإِذَا يَمَلَأُ قَدْ مَسَّهُ وَقَالَ: "قُمْ وَكَلِّ" (1 مل

(5: 19)

و دى مش شخصية ايليا اللى بيحب يصلى و يخدم انما هو من كتر اليأس كان

محبط و نايم و خلاص.

### -4 الرفاهية:-

الحياة السهلة بتزود الاستعداد للكسل زى الراجل اللى وصفه المسيح بيقول لنفسه

" يا نفسُ لكِ خَيْرَاتٌ كَثِيرَةٌ، مَوْضُوعَةٌ لِسَنِينٍ كَثِيرَةٍ. اسْتَرِيحِي وَكَلِي

وَاشْرِيِي وَافْرَحِي" ( لو 12 : 19 ) يعنى بيشرح نفسه على الكسل.

### 5- غياب الخوف:.

الشخص اللى خايف مايعرفش يكسل

يعنى اللى خايف من الامتحان هايقوم يذاكر... اللى خايف يترفد هايנزل شغله بدرى ..

الى خايف يجيله مرض هايجتهد يلعب رياضة او يمشى او ياخذ الدوا ....

الى بيكسل بيكون احيانا مش خايف ,, فغياب الخوف مدعاه للكسل عشان كده اتقال

عن الاشرار و الكسالى

" لَيْسَ خَوْفُ اللَّهِ قَدَامَ عُيُونِهِمْ" ( رو 3: 18 ).

### 6- الفتور:.

فتور العلاقات مثلا يعنى حد تعبان فى العيلة فى واحد نشيط بيجرى يسال عليه

بسرعة و فى واحد المحبة فاترة فى قلبه فيقول بعدين نبقى نزوره نبقى نسال عليه

هو معندوش حملس يعمل حاجة ايجابية لان العلاقات فاترة ...

الحياة الروحية الفاترة تخلي الواحد يبقى مستكتر يوم يقف يصلى او يفتح الانجيل

يقرا او يروح الكنيسة كل ده نوع من الكسل المرتبط بالفتور

## 7- الافكار الخاطئة .:

سليمان بيقول

" قال الكسلان: «الأسدُ في الخارج، فأقتلُ في الشوارع!» " ( أم 22: 13)

يعنى بيقول لروحه فى اسد فى الشارع فخلينا نايمين لحسن انزل يحصل حاجة ،،

فـ ايه اللى يخلينى اروح الشغل لحسن فى نلس بيحصلها حوادث !!!يعنى بيختلق

افكار تخوفه عشان يعرف يفضل نايم!! فطبيعى ان ده مش هايعمل حاجة!!

المبالغات فى الامور بتخلى الواحد كسلان

" البابُ يدورُ على صائره، والكسلانُ على فراشه ،الكسلانُ يخفي يده في

الصُّحفة، ويشقُّ عليه أن يركبها إلى فمه الكسلانُ أوفرُ حكمةً في عيني

نفسه من السبعة الضجيين يعقل " ( أم 26: 14: 16)

يعنى الكسلان يبقى بيتقلب فى السرير و شايف نفسه ابو العريف و هو بس اللى

بيفهم و كل الناس مبتفهمش فده طبعا يشجعه على الكسل اكثر.

• خطورة الكسل .:

## 1. الفقر الروحي .:

الكتاب المقدس يقول

" فَيَأْتِي فُقْرَكَ كَسَاعَ وَعَوْرَكَ كَعَازٍ " (أم: 116)

و ده واضح فى الحياة العملية ... فالموظف الكسلان هايترفد ، و الطالب الكسلان  
مش هاينجح، و هكذا ...

و فى الحياة الروحية كذلك ...

فالشخص الكسلان ها يفتقر روحيا ....

اللى كسلان يصلى او يقرا فى الانجيل او يروح الكنيسة ، خلاص مخه هايتملى  
بالدنيا ..

فربنا مش هايبقى فحياته ... و يبقى نسخة من اهل الدنيا!!

عشان كدة المسيح يقول

" فَاِنْ مَنْ لَهُ سَيَغْطِي وَيَزَادُ، وَأَمَّا مَنْ لَيْسَ لَهُ فَالَّذِي عِنْدَهُ سَيُؤَخِّدُ مِنْهُ " (مت

(12 13:

يعنى حتى لو فى حاجة حلوة فى طبعك هاتروح منك لانك مش مجتهد و كسلان!!



## 2. الكسل بداية لخطايا اكبر .:

مع الكسل و الفتور ممكن الواحد يقع فى خطايا ضخمة ... داواد لما وقع فى المصيبة بتاعته كان فى حالة كسل كان كل رجالته طلغوا معركة و هو كسل يطلع و راح اتمشى و مروق نفسه و يببص بصات وحشة و يشتهى و ده وصله الى نتائج صعبه .

## 3. الكسل يقود الى السطحية .:

فالشخص الكسول ماتقدرش تحمله مسئولية و تلاقى كلامه فارغ و دماغه فاضية بينما المجتهد تلاقيه بطبعه جد فالكتاب بيقول

"وَفِيمَا هُوَ يَزْرَعُ سَقَطَ بَعْضُ عَلَى الطَّرِيقِ، فَجَاءَتِ الطُّيُورُ وَأَكَلَتْهُ" (مت 13:

(4

يعنى ده سطحى لانه مش بيعمل دوره .

## 4. الشك .:

يقال ان الوقت الفاضى معمل للشيطان فيبقى الشيطان قاعد يحكى معاك بقى لان الكسلاد ده محدش بيحكى معاه اكر من الشيطان .

• علاج الكسل .:

## 1. تبص لناس مجتهدة فى حياتها .:

الكتاب بيقول " يد المجتهدين تسود " فالمجتهد دايمًا بيوصل و ينجح فى كل حاجة بما فيها الحياة الروحية سواء فى الخدمة او الشغل او الجواز

"أما الرخوة فتكون تحت الجِزْيَةِ" (أم: 12: 24)

يعنى هاينتهى بيك الحال انك تكون عبد للمجتمع فى الاخر!!

انت بقى غير من المجتهدين غير روحية ... يعنى بص لنتائج الكسل و بص لنتائج الاجتهاد عشان تسخن نفسك .....

قول انا لو اجتهد و صليت هاتبقى حياتى احلى من كدة ،، هايطير منى القلق و الغضب ... و لو كسلت زيادة انا بضيع كل حاجة علاقاتى و مستقبلى و ربنا فيبقى انت بتعمل الغيرة دى بتسخن نفسك .

## 2. الخوف .:

احنا قلنا فى الاسباب عدم الخوف يبقى فى العلاج "خوف نفسك"

خوف نفسك ان :

✓ الكسل هايبضيع فرص النجاح

✓ الكسل ها يخليك تخسر ناس

✓ الكسل ها يخليك تبخل

إذا كل ما هاتخوف نفسك كل ما هاتقاوم الكسل

خوف نفسك من الخطية ... الاستسلام للرفاهية و الكسل ممكن يخليك  
تعمل اخطاء تندم عليها العمر كله خوف نفسك من الدينونة ... هاتقف قدام

ربنا تتسأل عن العمر ، هايبقى فى مجمله كنت نايم و كسلان !!؟!

طيب هاتقول ايه لربنا ماهو اداك كل حاجة ، انك تعيش كويس !

فلما تبقى خايف من الدينونة هتلاقى نفسك ما تعرفش تكسل خوف ربنا عموما  
بيخلى الواحد ضد الكسل .

### 3. الطاعة .:

الشخص اللى واحد الطاعة منهج ميعرفش يكسل

• فى حكاية فى بستان الرهبان

عن اب قديس مشهور كان عنده مجموعة 12 تلميذ كان فى واحد منهم الكل شايف  
انه قريب للقديس ده زيادة فدخلوه اتنين كدة غيرانيين قالوا له يا ابونا بص بقى احنا  
متغاضين اشمعنى يا ابونا فلان حبيبك زيادة قالهم طيب تعالو ندور على الـ 10 قلايات

و نخبط و نشوف هايحصل ايه ...

خبط على اول واحدة و قال يا ابونا فلان عاوزك فى موضوع قاله حاضر يا ابونا  
هاجيلك ...

التسعة عملوا معاه كدة لحد ما وصل لنمرة 10 اللى فيها ابونا فلان اللى بيقلوا انه  
اقرب واحد له ، اول ما خبط عليه قالوه يا ابونا راح طلع له جرى على طول ...

راح با صص لهم و قالهم :

(مش انا خبطت على الكل، مين اللى طلعل على طول ؟)

قالوا له : (حبيبك)

راحوا داخلين قلايته يشوفوه بيعمل ايه ، لاقوه كان بينسخ و بيكتب ، و لاقوا ان

الحرف اللى كان بيكتبوا مكملوش لمجرد انه سمع صوت ابوه !!!

قالهم : (عرفتوا ليه ده اللى اقرب لقلبي؟؟ لانه هو بيحب يسمع الكلام اوى ، و الطاعة

عنده قاعدة و الطاعة دى خلته نشيط جدا ... فطبعاً انا باميل له اكثر من غيره )

• امنا ايرينى حكمت فى مرة عن علاقتها بالبابا كيرلس

مرة راحت له الدير ، و بعدين و هما قاعدين الظاهر سيدنا البابا كيرلس اعطى حاجة

لامنا ايرينى ... فواحدة من الامهات قالت له: (يا سيدنا كفاية بقى كلنا بنغيرا

اشمعنى هى ما احنا كلنا بناتك بردو ؟)

فقالهم: (دى صايمة من الصبح فجبته لها لقمة ..)

و ابتدا يقول لواحدة واحدة: (انتى كلتى فول بالبصل ، و انتى عملتى كذا بو انتى  
و انتى .....

و كانه كان قاعد مع كل واحدة فيهم و هى بتاكل ، فاتكسفوا كلهم

فاحيانا يبقى ميل الاب للاقرب ليه نابع من طاعة التلميذ زى يوحنا الحبيب

مثلا كان قريب للمسيح مش لان المسيح كان قاصد يميز حد لا بس ببساطة لان

يوحنا كان وراه فى كل حته و بيسمع كلامه بشكل جميل فطبيعى ان ده يبقى له دالة  
اكثر...

و من هنا فالطاعة بتعالج الكسل...

لو انت بتحب ربنا اوى ، هاتسمع كلامه و مش هاتعرف تبقى كسلان لانك

عايز ترضيه و الكلمة اللى هاقولها مهما كلفتك هاتعملها .

#### 4. التدريبات الروحية

لو اكتشفت ان الرخاوة او الكسل مشكلة عندك لازم تبدأ تدرب نفسك على بعض الأمور

زى الالتزام ، يعنى لو قلت الساعة كذا هاصلى ، يبقى لو حصل ايه بردو هاتصلى ...

لو هاتنزل يبقى هاتنزل حتى لو تعبان و انك تتابع كمان لأن الكسل مرض مزمن يعنى ممكن يزيد و يبقى طبع فانت لازم تراقب نفسك ان الطبع ده ميدخلكش .

### ❖ سفر الامثال و تأملات فى فضيلة الاجتهاد .:

السفر ده ملئ بايات عن الكسل و كان سليمان مكانش بيكره حاجة فحياته اد الكسل،

1- يتأمل فى نشاط و حكمة النمل و الجراد فى (الامثال 6 : 24 : 28)

" أربعة هي الأَصْعَرُ في الأرض، ولكنها حكيمة جداً: النُّمْلُ طَائِفَةٌ عَيْرٌ قَوِيَّةٌ،  
ولكنه يُعِدُّ طَعَامَهُ في الصَّيْفِ. الْوَبَارُ طَائِفَةٌ ضَعِيفَةٌ، ولكنها تَضَعُ بُيُوتَهَا  
في الصَّخْرِ. الْجَرَادُ لَيْسَ لَهُ مَلِكٌ، ولكنه يَخْرُجُ كُلُّهُ فِرْقًا فِرْقًا العَنْكَبُوتُ  
تُفْسِكُ يَدَيْهَا، وهي في قُصُورِ المُلُوكِ. "

و هنا يقصد فضيلة النشاط او الاجتهاد

- ان النملة لازم تكون مجتهدة. فيعنى مش بس الامور الروحية اللى تعلمك الاجتهاد، لا دى النملة ممكن تعلمك النشاط .... النمل بيحوش اكله طول الصيف عشان يلاقى ياكل فى البيات الشتوى ...
- الوبار زى الفار البرى بس صغير اوى و بيستخبي فى الصخر عشان مفيش حد يقدر يطوله و لا حيوان ياكله فلو انت ضعيف استخبي فى ربنا و محمش

## هايوصلك

- الجراد اللي ملوش ملك و يخرج فرقا فرقا ...  
ده انت عشان ترص 20 واحد فى الكنيسة محتاج لقوات الامن المركزى !!  
الجراد ده بيبقى ب1000 و من غير ما حد يرصه تلاقيه اترص زى المسطرة ...  
هنا سليمان بيتكلم على حاجات سبقت البنى ادم ....

النمل سبقه فى التدبير

و الفيران سبقته فى حكمة انه فى جحر

و الجراد سبقه فى النظام من غير منظم

و مفيش عنكبوت تلاقيه كدة قاعد متسلطن عشان فى قصر ملك تلاقيه بردو  
بيعمل الشغل بتاعه هو مياكلش ببلاش ... يشتغل حتى لو فقصر و دى بردو رسالة  
ضد الكسل:

مش معنى ان حياتك مليانة خير انك تنام... الحياة السهلة خطر و مؤذية

## 2- يركز علي صفة الإجتهد فى الزوجة المثالية ..

حاجة تانية فى الامثال لما سليمان وصف الزوجة المثالية كانت الصفة الاساسية هي

النشاط

سليمان بحمته يقول لنا ان أفضل صفة فى المرأة هى ان تكون نشيطة ...

و ده كان اطول نص فى الكتاب المقدس بيصف المرأة الفاضلة يقول:

إمرأة فاضلة من يجدها؟ لأن ثمنها يفوق اللآلى. بها يثق قلب زوجها فلا  
يحتاج إلى غنيمة تصنع له خبزاً لا شراً كل أيام حياتها. تطلب صوفاً  
وكثاها وتشتغل بيدين راضيتين. هي كسفن التاجر. تجلب طعامها من  
بعيد وتقوم إذ الليل بغد وتغطي أكلاً لأهل بيتها وفريضة لقتياتها. تتأمل  
حقلًا فتأخذها، ويثمر يديها تفرس كرمًا.

تنتطق بحقوقها بالقوة وتشد ذراعها. تشغز أن تجارتها جيدة. سراجها لا  
ينطفئ في الليل. تمد يديها إلى المقزل، وتمسك كفاها بالقلعة. تنسج  
كفيها للفقير، وتمد يديها إلى المسكين. لا تخشى على بيتها من الثلج، لأن  
كل أهل بيتها لا يسون حلاً. تغزل لنفسها موشيات. لبسها بوص  
وأزجوان. زوجها مغروف في الأبواب حين يجلس بين مشايخ الأرض.  
تصنع قمصاناً وتبيغها، وتعرض مناطق على الكنعاني. العير والبهاء لباسها،  
وتضحك على الرمن الآتي. تفتح فمها بالحكمة، وفي لسانها سنة  
المغروف. تراقب طرق أهل بيتها، ولا تأكل خبز الكسل. يقوم أولادها  
ويطوبونها. " (أم 30 - 10: 28)





**Anba Abraam**  
<http://www.anba-abraam.com>

**خدمة الأنبا إبراهيم**



عمال يوصف ست جدعة تطبخ و تشتري و تروح و تجيب و تربي و عينها  
مصحصحة و العكس عندنا بيوت كتيرة مهزوزة بسبب الكسل.  
الزوجة الحكيمة، المرأة الفاضلة أكثر ما يميزها : الإجتهد و قلة الكسل ...  
و العكس صحيح ،، عندنا بيوت كتيرة مهزوزة بسبب الكسل!!